



Srebrenica 15.04.2021.godine
Broj: 01-014-138-P /20

Na osnovu člana 82.stav 3. Zakona o lokalnoj samoupravi („Službeni glasnik Republike Srpske„ broj:97/16), člana 57. Statuta opštine Srebrenica („Službeni glasnik opštine Srebrenica„ broj:2/2018) i Odluke o stipendiranju studenata u akademskoj 2020/2021. godini br:01-014-138/21 od 12.04.2021.godine, Načelnik opštine Srebrenica donosi:

P R A V I L N I K

O uslovima, načinu, postupcima i kriterijima dodjele studentskih stipendija u akademskoj 2020/2021.godini

I UVOD

Član 1.

Ovim Pravilnikom utvrđuju se uslovi, način, postupak i kriteriji za dodjelu studentskih stipendija u akademskoj 2020/21.godini.

Član 2.

Pravo prijave na Javni poziv za dodjelu studenstskih stipendija imaju redovni studenti I ciklusa osnovnih studija koji studiraju na državnim fakultetima u Bosni i Hercegovini i inostranstvu, koji nisu stariji od 26 godina, da nisu u statusu apsolventa i da drugi put ne upisuju istu godinu studija.

U akademskoj 2020/21. godini odobriće se novčana sredstva za stipendiranje studenata sa područja opštine Srebrenica u ukupnom iznosu od **60.000,00 KM** (Slovima: **šezdesethiljada konvertibilnih maraka**). Visina studentske stipendije i broj anuiteta isplate odredit će se nakon utvrđenog broja studenata koji ispunjavaju uslove za dodjelu studentske stipendije.

Član 3.

Pravo učešća na Javnom pozivu za dodjelu studentskih stipendija u akademskoj 2020/2021. godini imaju studenti koji imaju prebivalište na području opštine Srebrenica.

Član 4.

Izbor korisnika novčanih sredstava-stipendija vrši Komisija za dodjelu studentskih stipendija u akademskoj 2020/21. godini formirana Odlukom Načelnika opštine br:01-014-138-1/21 od 12.04.2021.godine. Komisija ima ovlaštenje da na osnovu kriterija iz ovog Pravilnika sačini listu studenata za dodjelu studentskih stipendija u akademskoj 2020/21. godini i da predloži Načelniku opštine zaključivanje Ugovora o dodjeli stipendije. Komisija je za svoj rad odgovorna Načelniku opštine

II KRITERIJI ZA IZBOR KORISNIKA (studenti kojima se dodjeljuje stipendija)

Član 5.

A. Opšti Kriteriji (eliminatorski):

1. Redovan student na državnom fakultetu u Bosni i Hercegovini ili inostranstvu,
2. Prebivalište na području opštine Srebrenica i,
3. Da student nije korisnik stipendije po bilo kom drugom osnovu.

B. Posebni kriteriji (kriteriji koji se boduju)

1. Prosjek ocjena iz prethodnih godina studija i godina studija,
2. Uspjeh učenika u srednjoj školi (samo za studente I godine studija),
3. Student bez jednog roditelja,
4. Radno-pravni status roditelja/članova porodičnog domaćinstva i,
5. Pripadnost socijalno ranjivim kategorijama.

III NAČIN BODOVANJA

Član 6.

1. Prosjek ocjena iz prethodnih godina studija i trenutna godina studija:

- a) Prosječna ocjena uspjeha studenta iz prethodnih godina studija se množi sa brojem 5 (pet), a proizvod se dijeli sa brojem 10 (deset).
- b) Godina studija:
 - Za studente II godine2 boda,
 - Za studente III godine3 boda,
 - Za studente IV godine4 boda,
 - Za studente V godine5 bodova,
 - Za studente VI godine6 bodova.

2. Za studente I godine studija:

- c) Prosjek ocjena iz srednje škole ispod 4,751 bod.

3. Student bez roditelja:

- a) Student bez jednog roditelja3 boda,
- b) Student bez oba roditelja4 boda.

4. Radno-pravni status roditelja studenta/članova porodičnog domaćinstva:

- a) Student iz porodice bez mjesečnih primanja4 boda,
- b) Student iz porodice čija su primanja po članu do 300,00 KM2 boda.

5. Socijalno ranjiva kategorija:

- a) Student ili član porodičnog domaćinstva korisnik socijalne pomoći2 boda.

Član 7.

Sredstva će se dodjeljivati u skladu sa ovim Pravilnikom i provedenim Javnim pozivom. Komisija za dodjelu studentskih stipendija u akademskoj 2020/21. godini će u skladu sa kriterijima i osvojenim brojem bodova, predložiti Načelniku opštine listu studenata sa kojima će se potpisati ugovor o stipendiranju.

Studentska stipendija će se dodijeliti svim studentima koji imaju pravo prijave na Javni poziv i koji ispunjavaju opšte kriterije, odnosno studenti koji imaju prosjek sa prethodnih godina studija viši od 9 kao i studentima prve godine koji su „Vukovci,, , odnosno koji su sve razrede srednje škole završili sa odličnim uspjehom, studenti bez oba roditelja, studenti sa posebnim potrebama a koji su uredno dostavili traženu dokumentaciju iz Javnog poziva.

IV JAVNOST U RADU

Član 8.

Javni poziv za dodjelu studentskih stipendija u akademskoj 2020/21. godini objavljuje se u sredstvima javnog informisanja, oglasnim tablama na području opštine Srebrenica i na Web stranici opštine Srebrenica www.srebrenica.gov.ba

Član 9.

Javni poziv za dodjelu studentskih stipendija u akademskoj 2020/21. godini sadrži:

1. Predmet Javnog poziva,
2. Broj, iznos stipendije i vremenski period dodjele studentske stipendije u akademskoj 2020/21. godini,
3. Kriterije za dodjelu studentske stipendije u akademskoj 2019/20. Godini,
4. Potrebnu dokumentaciju,
5. Rok za podnošenje prijave na Javni poziv i,
6. Posebne odredbe.

Član 10.

Sva potrebna dokumentacija izdata od nadležnih organa predaje se uz aplikacioni obrazac koji je sastavni dio Javnog poziva.

Uz aplikacioni obrazac predaje se sljedeća dokumentacija:

1. Uvjerenje o redovnom studiranju, sa naznakom o trenutnoj godini studiranja,
2. Kopija lične karte izdate u Srebrenici,
3. Obavještenje o prebivalištu od nadležne Policijske stanice (ne starije od 3 mjeseca),
4. Kućna lista ovjerena od strane Opštinske uprave opštine Srebrenica,
5. Ovjerena Izjava izdata od strane nadležnog organa da student nije korisnik stipendije-kredita kod drugih organizacija-ustanova u akademskoj 2020/21. godini,
6. Uvjerenje sa prosjekom ocjena koje izdaje nadležni fakultet,
7. Uvjerenje iz srednje škole sa prosjekom ocjena ili ovjerene fotokopije svjedočanstava svih razreda srednje škole, odnosno „Vukovu,, diplomu (samo za studente I godine studija),
8. Izvod iz matične knjige umrlih (samo za studente bez roditelja),
9. Uvjerenje iz Centra za socijalni rad o korištenju socijalne pomoći po bilo kom osnovu (samo za studente čiji članovi porodičnog domaćinstva primaju socijalnu pomoć),
10. Uvjerenje o zaposlenosti roditelja sa visinom primanja u poslednja 3 (tri) mjeseca rada, ček od penzije (za penzionere) ili Uvjerenje o nezaposlenosti izdato od strane Zavoda za zapošljavanje Srebrenica,
11. Kopija tekućeg računa i,
12. Uvjerenje o procjeni zdravstvene sposobnosti studenata sa posebnim potrebama.

Aplikanti su obavezni da ukoliko predaju kopije navedenih dokumenata, iste moraju biti ovjerene. Studenti koji budu aplicirali na Javni poziv, a studiraju van granica Bosne i Hercegovine (osim studenata koji studiraju u Srbiji, Crnoj Gori, Makedoniji, Hrvatskoj i Sloveniji) obavezni su dostaviti ovjerene prevode dokumentacije koju izdaju fakulteti na kojima studiraju.

Član 11.

Aplikacioni obrasci sa dokumentacijom se predaju u zatvorenoj koverti u Šalter sali opštine Srebrenica sa naznačenom adresom: Opština Srebrenica, ul:Srebreničkog odreda bb, 75 430 Srebrenica sa naznakom „KOMISIJA ZA DODJELU STUDENTSKIH STIPENDIJA U AKADEMSKOJ 2020/21. GODINI-NE OTVARAJ,, **najkasnije do 14.05.2021** godine ili se mogu slati putem pošte na naznačenu adresu s tim da krajnji datum na pečatu pošte gdje je predata pošiljka ne može biti stariji od datuma kada je predviđen kao krajnji rok za predaju dokumentacije po Javnom pozivu odnosno 14.05.2021 godine.

Član 12.

U postupku Javnog poziva opština Srebrenica ne snosi nikakve troškove učesnicima Javnog poziva, te nema obavezu vraćanja zaprimljenje dokumentacije.

Član 13.

Nakon zatvaranja javnog poziva a u roku od 30 (trideset) dana Komisija za dodjelu studentskih stipendija u akademskoj 2020/21. godini će prevashodno provjeravati formalnu usklađenost aplikacija (Potrebna dokumentacija za prijavu na Javni poziv-eliminatorski kriteriji). Aplikanti čija prijava zadovoljava formalnu usklađenost (opšte kriterije) boduju se, osim studenata koji imaju prosjek ocjena sa prethodnih godina studija viši od 9,00 kao i studenata prve godine studija koji su „Vukovci,, odnosno koji su sve razrede srednje škole završili sa odličnim uspjehom a koji su uredno dostavili traženu dokumentaciju iz Javnog poziva.

U slučaju da dva ili više studenata imaju jednak broj bodova nakon bodovanja, prednost će imati onaj student koji je ostvario veći broj bodova po osnovu kriterija iz člana 6. Stav 1. tačka a. ovog Pravilnika

Komisija za dodjelu studentskih stipendija u akademskoj 2020/21. Godini zadržava pravo provjere ličnih Izjava studenta o neprimanju stipendije od drugih institucija i organizacija u akademskoj 2020/21. godini, te eventualne zloupotrebe Izjava će biti sankcionisane.

Nakon izvršenog bodovanja i donošenja konačne bodovne liste, Odluku o izboru aplikanta-korisnika studentske stipendije u akademskoj 2020/21. godini donosi Načelnik opštine, a na osnovu koje se zaključuje Ugovor o dodjeli studentske stipendije. Ugovorom se utvrđuju odnosi između Davaoca sredstava i Primaoca sredstava, način i dinamika dodjele sredstava.

V RJEŠAVANJE PO ŽALBAMA

Član 14.

1. Aplikanti čija prijava ne bude prihvaćena mogu uložiti prigovor načelniku opštine Srebrenica u roku od 7 (sedam) dana od dana objave rezultata Javnog poziva. Rezultati Javnog poziva biće objavljeni na oglasnoj ploči opštine Srebrenica i web stranici opštine Srebrenica www.srebrenica.gov.ba.

2. Načelnik opštine odlučuje u prvom stepenu po prigovoru u roku predviđenom Zakonom o upravnom postupku.

Ovaj Pravilnik stupa na snagu danom donošenja i biće objavljen u „Službenom glasniku opštine Srebrenica“.

Saglasna Komisija za dodjelu studentskih stipendija u akademskoj 2020/21. godini:

1. **Cvijetin Maksimović-Predsjednik Komisije** _____
2. **Sifeta Zukić- Sekretar komisije** _____
3. **Mirjana Jakanović-Član Komisije** _____
4. **Muhizin Omerović-Član Komisije** _____

Načelnik opštine

Mladen Grujičić

